



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

XVII. Judicium Aganonis Episcopi Augustodunensis adversùs Raginardum.

urn:nbn:de:hbz:466:1-14622

ACTORUM VETERUM.

641

cartam sigillari præcepi. Hoc factum est in tempore
Philippi Regis, vicesimo & nono anno sui regni. S.
Richardi Archipræsulis. S. Hunbaldi Vriacensis. S.
Amblardi Guillebaldi. S. Rotgerij Archidiaconi. S.
Gosfredi Archipresbyteri. S. Andreæ Archidiaconi.
S. Petri de Giis. S. Radulfi Clerici. S. Rotgerij Ca-
pellani. S. Bernardi Clerici. S. Aimerici Clerici. S.
Petri lo Grogn. S. Rotgerij Malevizini. S. Aimerici
de Guiranda. S. Araldi de la Coldra. S. Radulfi Ma-
levizini. S. Hunbaldi de Agia. S. Dalmacij Chabri,
& aliorum plurimorum qui interfuerunt. S. Benedi-
cti sancti Gildafij monachi, qui hanc cartam scripsit.

XVII.

Judicium Aganonis Episcopi Augustodunensis
adversus Raginardum.

*Ex veteri Chartulario Ecclesie
Augustodunensis.*

IN nomine Domini nostri Jesu Christi Dei æterni,
Agano Dei gratia Eduorum Episcopus. Divinæ
præceptionis monent cunctos eloqua ut quotiens res
ecclesiastica à quoquam detinetur, æquitate debeat
imminente restituī. Quocirca noverit omnium sanctæ
Dei Ecclesiæ fidelium atque nostrorum unanimis uni-
versalitas quia dum in æstivo tempore per Beliniacum
transiremus, in nostri itineris transitu obvios habui-
mus homines potestatis illius vocibus luetuosis coram
præsentia nostra conquerentes super Raginardo fratre
nistro, qui eos novis & inauditis legibus justificabat,
de nimiis redditionibus, de magnis exactiōibus,
quas cotidie exigebat, sed & de malis consuetudinibus
quas in diebus suis in potestate elevaverat, angustiæ
multæ, misericordia nulla, & non erat qui adjuva-
ret, multaque à Clericis nobiscum euntibus de inju-
riis ab eo de die in diem illatis, de illicitis superposi-
tionibus, seu & diversis oppressionibus à servientibus
suis inmissis, nostris intimata sunt auribus. Unde

S f

quia præclarus dies Pentecostes evoluto anni circulo immenebat, illique solemnitati multos obtimates, sed & ferè totius regionis principes apud Augustidum interesse noveramus, piissimumque Burgundium Ducem, Hugonem scilicet, catervatim adfuturum non ignorabamus, dignum duxit nostra paternitas illos clamores interdum patienter differre quoique omnibus ad prædictum diem congregatis, nobisque Dono & religiosissimo patri nostro Rocleno sanctæ Cabillonensis sedis Præfuli conjunctis, una cum ejus pio consilio importabile jugum malitiæ nostra compassionē à communi fieret auctoritate levigatum, ut populus Dei nobis ab eo commissus sub nostra protectione lege & justitia & dignitate sibi conservata respiraret, liceretque ei quiete justèque vivere sanctique Nazarij & Clericorum suorum utilitatibus securè & fideliter vacare. Superna igitur largiente pietate corporaliter atque in Dei nomine in prædictæ festivitatis vigilia nostræ humilitati sua se reverentissima sociavit persona. Ille namque prius pro divini amoris respectu & beatissimi Nazarij martyris veneratione, ejus sacratissimi templi deliberaverat obrata visitare limina, Deique aspirante gratia magnum istius itineris perficiendi nosque videndi desiderium quia implere meritus fuerat, gaudebat. Et dum ab ejus sacro ore dulcibus rigaremur verborum sientes fluentis, suisque sacris admonitionibus paterno more instrueremur, ejus sanctitati intimare curavimus ea quæ ad communis profectus augmentum essent, si nostra justi vigoris censura corrigerentur, & ad ejusdem communionis detrimentum pertinerent, si pari negligentia quæ corrigenenda erant incorrepta remanerent. Proinde idem clarissimus pater atque beatissimus pastor ea quæ suæ sacræ simplicitati erant incognita per nostrum veridicum cognoscens relatum, nobiscum alto cœpit pertractare consilio qualiter consenuit communi obpressionses injustæ & superpositiones illicitæ sua consociali & nostra coëpiscopal ducaleque abolitione essent evacuatæ. Nam justum apparuit omnium fidelium nostrorum industriae ut quia pietate divina tantæ dignitatis personæ, principes videlicet Christianæ militiae, concordibonæ voluntatis studio erant unitæ, quicquid impiè re-

ctorum pravorum cœca subditis hominibus intulerat cupiditas, adhibita iustitiæ linea fieret quantocius corruptum, & omnia bona in Dei nomine consequerentur, nostrisque felicissimo indulto mansura atque confirmata consisterent. Transactæ autem noctis vigilis celebratis, illucescente jamdicto Pentecostes die, nobisque ex more post primam dicti horam in unum coadunatis, ibi ferme omnis Clericorum prælibati martyris Nazarij congregata multitudo vocibus vividis nostra pietatis clementiam sibi flagitavit obnoxie affutram, dicens potestatem Beliniacum legis & iustitiæ & pietatis beneficio esse privatam, atque tot oppressiōnibus & superpositionibus à supradicto Raginardo adeo esse affectam ut jam ferre tam diuturnum ac intolerabile non posset malum. Quorum clamoribus immensis & miseriis nostra commota serenitas, divinum etiam formidantes judicium, si nostra non mitigarentur auctoritate, licet in tanta die non secularibns sed divinis officiis vacandum esset, tamen præcepimus ut præfatus Raginardus cum suis, sed & fideles & seniores nostri, huic negotio interessent, in Capitulum venirent; in quorum præsentia Clericorum querelas promisimus nos esse audituros. Quibus illò ventis, etiam nobilissimi vicinarum urbium viri pro hac re nostris sunt accersiti consiliis. Igitur nobis unà cum venerabilibus Clericis, & cum religioso coëpiscopo, necnon & cum nostris dilectis optimatibus, in Capitulo sancti Nazarij residentibus, præiente etiam Duce Burundiæ cum suis castoreatis proceribus, Clericorum querelæ in medium sunt prolatæ iterum atque iterum dicentium præfatam villam & habitatores ejus nimio fasce malarum consuetudinum, assiduitate exactiōnum quas semper prælibatus Raginardus exigebat, gravari & penè confundi, quando ex unoquoque manso ab habitatore possesto porcus & agnus, gallina & pullus, fœnum & annona, denarij, necnon & ea quæ necessaria erant, solebant extorqueri. Ad id enim homines potestatis jam redigebantur, & in tantum de eorum vitæ periculo agebatur, ut omnes clamitarent, sicut vita hominum semper querula est, se ad nimiam paupertatem aut prorsus ad omnem exinanitionem substantiæ perventuros; præsertim cum & tyrannica præ-

S l ij

donum rabies eos sine cessatione afflictaret, & à senioribus suis, in quorum beneficiis commanebant, pro simili census redditione gravarentur; sed & peccatis exigentibus tam peste animalium quam sterilitate terræ misera & horribilis usquequaque declamatio ferebatur. Ventilata autem utrorumque causa, & partis utriusque ratione audita, licet omnium unus esset clamor, singulorum tamen clamores nostra voluimus discutiendos esse praesentia. Cognita autem rei veritate, quæ consuetudines justæ, & quæ injustæ, tandem invenimus homines sancti Nazarij à nefanda jamdicti Raginardi suorumque oppressione tanta percessos fuisse mala ut lex & justitia nomine tenus non veraciter in eos teneretur; & non solum justitia facti erant extranei, sed nec in his malis nullus modus contendebatur servari. Deinde quicquid illis injustè à predicto salvatore cognovimus fuisse superpositum, pro communis lucri mercede absoluentes, irritum fecimus, & malas consuetudines, ne amplius redderentur, nostra communi auctoritate prohibuimus; justaque consuetudinem omnibus rite conservandam reddendamque statuentes denominavimus, & si fieri posset ut ex hoc toto, hoc est, & ex justis & ex injustis consuetudinibus, remissionem illis faceret, nos optaremus. Sed quia crebro dictus frater noster nobis in hoc consentire noluit, longa tandem deliberatione communique consultu, ipsis adclamantibus & expetentibus, unum, quod ponimus, remedium præstitimus; ut summa videlicet illa nimis importabilis minueretur, injustitiae adnullarentur, & per singulos mansos singulis habitatoribus frequentatos sex denarios & unum obolum duosque avenæ sextarios singulis annis rependerent; atque ita nec potestati nostræ nimia esset profligatio, nec superius dicto Raginardo omnis usquequaque visideretur destitutio. Paratis autem ferè omnibus hominibus sancti Nazarij jurare istam veram & justam consuetudinem esse, & nec plus nec minus, nisi quantum dictum est superius, eum in potestate habere, juravit Giroardus Decanus & Major domus, unus pro omnibus, in sex denariis cum uno obolo & in duobus avenæ sextariis, ut dictum est, consuetudinem totam contineri, nec magis vel minus à quoquam sibi debere redi.

Quo sacramento convictus & confusus Raginardus simul cum suis, quos pro se paraverat, & quid contra hoc diceret non habens, consilio nostro & fratrum suorum occupationes malas, exactiones pravas, & cetera his similia, præter rectam consuetudinem, pro salute animæ suæ parentumque suorum sancto Nazario reliquit, donum libenter fecit, super altare ejus suppliciter posuit, omnem calumniam & quicquid malarum consuetudinum in potestate consueverat relinquens, Clericorum voluntati per omnia consentiens. Dederunt autem ei Clerici ponte sua trecentos denariorum solidos, quia placitum istud bene se servare & fideliter tenere promisit, quia uxorem suam, filios, & successores suos donum istud laudare fecit. Hujus ergo donationis firmitatem ad usus prædictorum Canonicorum mancipatam nostræ auctoritatis scripto confirmamus, atque sub interdictionis excommunicatione, ne quis hoc privilegium violare audeat, pontificali regimine prohibemus; statuentésque decernimus hujus decreti auctoritate ut hoc quod perditum fuerat & redditum nunc possidet Ecclesia, sine cunctatione perpetuis temporibus possidere debeat, & sicut antiquitus fuit, ita in ipsis dominio omni tempore inviolabiliter permaneat. Si quis autem præsumptor temerarius, quod minimè fore credimus, adversus hoc decretum auctoritate nostra munitum recalcitrare forte tentaverit, primùm quidem ut à cœpta citius resipiscat injuria eum obtestamur, deinde verò, si noluerit, anathematis vingulo ligamus, & sathanæ in interitu carnis tradimus. Qui verò custos ejus extiterit, æternis gaudiis perfruatur, & præmiis cum angelis in cœlestibus potiatur. Ut autem hujus nostri testamenti cirographum à nemine violetur, robustius solidetur, & majori stipulatione stabiliatur, signi nostri cognitione illud subter signanimus, & fidelium nostrorum tam Clericorum quam laicorum insignium manibus & signis corroborari curavimus. Actum apud Eduam urbem publicè. Hoc autem privilegium factum est in mense Maio, in ipsa die Pentecostes, prima feria, Indictione quinta, Aganone Præfule, Hungone Duce, Philippo Rege, Gregorio universali Pontifice.

S f iiij

Signum A. P. S. R. Cabillonensis Episcopi. S. Hu. Ducas. S. Ho. fratrī ejus. S. P. Glananensis. S. V. de Colchis. S. A. de Insula. S. Hu. de Monte sancti Johannis. S. B. de Monteforti. S. G. Bruni. S. Vv. de Archis. S. Vv. Decani. S. Hu. Abbatis. S. S. Præpositi. S. Vv. Archidiaconi. S. N. Præcentoris.

Heldierius commentarius ad vicem Sevini Cancelarij scripsit.

XVIII.

Literæ Richardi Archiepiscopi Bituricensis de fisco presbyterali Ecclesiae de Lanatico.

*Ex Chartulario monasterij Capelle cap. xxxvii.
C. CLXXXVII.*

Q UONIAM ea quæ præsenti tempore constituantur, succendentibus temporibus solent oblivioni tradi, & ex obliuione contentiones oriri, propter sopiaendas posteriorum altercationes oportet ut facta præsentis temporis litteris tradantur, & sic ad notitiam futurorum transmittantur. Quapropter ego Richardus Ecclesiae Bituricensis humili minister notificamus quoniam accedentes ad nostræ sublimitatis præsentiam, videlicet Hunbaldus Uriacensis dominus, & Villelmus Albus, & Galterius frater ejus, supplici devotione in manu nostra reliquerunt presbyteralem fiscum & Ecclesiam de Lanatico, quam ipse Hunbaldus & ficales sui secundum consuetudines laicorum diu tenuerant, & de hoc quod in justè possederant, culpabiles ie Deo & nobis reddiderunt. Nos verò, quibus est ad honorem Dei Ecclesias ordinare, monasteria amplificare, consilio ministrorum & Clericorum nostrorum, & voluntate & deprecatione Hunbaldi Uriacensis, hanc Ecclesiam cum suo presbyterali fisco redditimus monasterio Capellæ, quia jus suum fuerat, sicut testificantur authentica privilegia Regum Francorum & Pontificum. Quo facto, fecimus convenire in